



DET KONGELEGE
KOMMUNAL- OG REGIONALDEPARTEMENT

KOPI

Hjelmeland kommune
Vågen

4130 HJELMELAND

Dykkar ref

Vår ref
11/1312-6 KON

Dato
25 OKT 2011

Statsbudsjettet 2011, Kap. 552, post 72 – Nasjonale tiltak for regional utvikling – tilsegn om tilskot på inntil kroner 780 000 til Hjelmeland kommune, Hjelmeland 24-7- Bulyst 2011

Tilsegningsnummer: 11203023.

Vi viser til

- Utlysning av bulystmidlar på www.regjeringen.no/bolyst
- Søknad frå Rogaland fylkeskommune av 16.mai 2011.

Kommunal- og regionaldepartementet (KRD) gir med dette tilskot på inntil 780 000 kroner til prosjektet "Hjelmeland 24-7", i Hjelmeland kommune. Prosjektet kan ikkje rekne med ytterlegare medfinansiering frå KRD.

Målet med bulystsatsinga

Målet med satsinga på bulyst er å vidareutvikle kunnskap om korleis lokale og regionale utviklingsprosjekt skapar bulyst og attraktive stader. Dei 44 prosjekta som er valde har ulik innretting, ulike tema og stor geografisk spreing. Dette viser breidda og variasjonen knytt til omgrepet bulyst. Vi er opptekne av at bulystsatsinga skapar læring, merksemd og engasjement rundt lokalt og regionalt utviklingsarbeid.

Departementet vil oppfordre fylkeskommunane til å ta ein rådgjevar- og støttespelarfunksjon for dei utviklingsprosjekta som no får støtte gjennom bulystsatsinga. Vi ser fylkeskommunane som ein helt sentral nettverksbygger og regional tilretteleggar for lokale prosjekt. Med utgangspunkt i fylkeskommunane si

rolle som regionale utviklingsaktører er det naturleg at dei tek støttespelarrolla for prosjekta. Vi ønskjer at fylkeskommunane inkluderer dei som har lokalt prosjektansvar for bulystprosjekta i sitt arbeid med regional utvikling.

Kompetansesenteret for distriktutvikling (Distriktssenteret) har ei sentral rolle i arbeidet med bulyst, både når det gjeld kunnskapsbygging og formidling. Prosjektansvarlege bør også bruke www.distriktssenteret.no. Det er ein viktig portal for å finne erfarings- og forskingsbasert kunnskap frå andre satsingar og prosjekt.

Vi gjer dykk spesielt merksame på at Norsk senter for bygdeforskning har utarbeidd ein rettleiar i lokal samfunnsutvikling. Rettleiaren er utarbeidd som ein del av følgjevalueringa av den nasjonale småsamfunnssatsinga, som blei gjennomført av KRD i perioden 2006-2009. Rettleiaren kan lastast ned via følgjande lenkje, <http://www.regjeringen.no/upload/KRD/LUK/Fagstoff/Veilederilokalsamfunnsutvikling.pdf> Vi håper at rettleiaren kan kome til nytte i dykkar vidare arbeid, og papirutgåva er derfor også lagt ved dette brevet.

Erfaringsoverføring og læring er ein viktig del av bulystsatsinga. Representantar for prosjektet må difor vere villige til å delta i evalueringar og på eventuelle nettverkssamlingar for å presentere prosjektet og dele kunnskap. Kunnskapsdeling kan skje både mellom dei ulike pilotane, og frå pilotane til Kommunal- og regionaldepartementet og Distriktssenteret. Vi ønskjer at prosjekta skal vere synlege, både lokalt, regionalt og nasjonalt.

Mål for prosjektet

Prosjektet Hjelmeland 24-7 legg vekt på deltaking i frivillig verksemd som ein viktig arena for å fremje bulyst. I prosjektet skal samhandlinga styrkast mellom frivillige lag og innbyggjarane. Hjelmeland samfunnshus og teaterlag har ei sentral rolle. Det skal mellom anna etablerast ungdomsteater. Samfunnshuset vil også vere arena for prosjekt knytt til mangfald og utvikle fellesarrangement for heile kommunen med vekt på inkludering. Det skal også etablerast ei årleg stormønstring med ei kreativ synleggjering av tilbodet i frivillige lag og ei synleggjering av innflyttarane, ved å vise kven dei er og deira land og kultur.

Det skal byggjast eit inkluderande kvinnenettverk med fokus på inkludering av innflyttar- og innvandarkvinner. Inkluderande møteplassar skal også skapast i prosjektet.

Kostnadsoverslag

Prosjektet har eit totalbudsjett på 1 560 000 kroner. Kommunal- og regionaldepartementet gjev tilsegn om inntil 780 000 kroner over kap. 552, post 72 Dette kostnadsoverslaget ligg til grunn for tilskotet (inkl. mva):

Budsjett med kostnadsoverslag	2011	2012	2013	2014
Felles "kick off" seminar	40 000			
Mangfold, samhandling frivillige lag og innflyttarar	20 000	50 000	50 000	20 000
Ungdomsteater instruktørar	20 000	60 000	60 000	20 000
Ungdomsteater og workshops; PR, materiell og liknande	10 000	60 000	30 000	20 000
Kvinnenettverk	10 000	30 000	30 000	10 000
Tilrettelegging av møteplassar i naturen	10 000	100 000	30 000	10 000
Studietur prosjekt- og arbeidsgrupper	40 000			
Avslutningsseminar og trykking av rapport				50 000
Eigeninnsats kommunetilsette	75 000	100 000	100 000	65 000
Eigeninnsats frivillige	75 000	200 000	100 000	65 000
SUM	300 000	600 000	400 000	260 000

Vi gjer merksam på at midlar over kap 552.72 ikkje kan nyttast til investeringar i bygningar eller anna fysisk infrastruktur. Tilskotet skal som hovudregel ikkje nyttast til investeringar i utstyr. Unntaket er mindre investeringar som er avgjerande for gjennomføringa av aktiviteten. Tilskot til utstyr skal normalt ikkje overstige 10 pst av prosjektkostnadane. Sjå retningslinjer for posten på www.regjeringen.no/krd/retningslinjer

Vilkår for utbetaling av midlar:

1. Hjelmeland kommune må innan 20.11. 2011 stadfeste overfor departementet at det er aktuelt å gjennomføre prosjektet, og at tilskottet vert motteke på vilkåra i dette brevet. Prosjektarbeidet må ikkje settast i gang før den samla finansieringa er på plass. Tilbakemeldinga til departementet må også innehalde opplysningar om kva kontonummer pengane skal overførast til.
2. Prosjektet kan gjere mindre omprioriteringar og justeringar dersom dette er gunstig for å nå måla i prosjektet. Større endringar, som medfører endringar i prosjektet sitt totale budsjett, må godkjennast av departementet.
3. Det skal førast spesifisert rekneskap for arbeidet. Rekneskapen skal settast opp slik at utgiftene kan samanliknast med kostnadsoverslaget som ligg til grunn for tilskottet. Dersom arbeidet ikkje blir utført i omfanget de har skildra i søknaden, eller til dei kostnader de har gitt opp i søknaden, vil departementet redusere tilskotet tilsvarende. Tilskotsmidlar som departementet har utbetalt kan også bli kravd tilbakebetalt, heilt eller delvis. Rekneskapsmaterialet skal oppbevarast i 10 år.
4. Riksrevisjonen, Kommunal- og regionaldepartementet eller dei departementet gir mynde, kan krevje informasjon frå tilskottsmottakar og sette i verk kontroll med at midlane vert nytta etter føresetnadene. Dette er i samsvar med

Løyvingsreglementets § 10 og Lov om Riksrevisjonen § 12.
Tilskottsmottakarar har plikt til å gje opp dei opplysningane som Riksrevisjonen, departementet eller andre som departementet har delegert kontrollmynde til, forlangar.

Rapportering og kontroll

Læring og erfaringsoverføring er et sentralt mål for bulystsatsinga. Difor ber vi dykk legge vekt på god rapportering av prosjektarbeidet, både undervegs og med en eigen sluttrapport.

Alle prosjekt som får støtte skal sende inn en årleg rapport til departementet. Denne skal innehalde omtale av aktivitetar og tiltak, og gjere greie for eventuelle justeringar av prosjektplanen, både når det gjeld framdrift og aktivitetar. Sjå vedlagde rapporteringsskjema. Vi ber om at den første, årlege rapporten vert sendt til departementet seinast 24. april 2012. De finn eit eige rapporteringsskjema som skal nyttast til rapporteringa på www.regjeringen.no/bolyst Papirkopi av skjemaet er også lagt ved dette brevet.

Utbetaling

For å få midlar må prosjekteigar be Kommunal- og regionaldepartementet om å gjere ei utbetaling (utbetalingsoppmoding).

Utbetalinga blir som hovudregel gjort i tre omgangar.

1. Departementet *kan* utbetale inntil 25 pst. av tilskottet når Hordaland fylkeskommune har akseptert vilkåra i dette brevet, og arbeidet har starta opp (førehandsutbetaling).
2. Når departementet har motteke dokumentasjon av faktiske utgifter, vert inntil 50 pst. av det samla tilskottet utbetalt (etterskottsutbetaling). Dokumentasjon av utgifter bør følgje den årlege rapporteringa.
3. Den siste delen av tilskottet skal utbetalast når prosjektaktiviteten er fullført, og sluttrapport og eventuell revisorstadfesta rekneskap (se punkt 5) er sendt inn (etterskottsutbetaling).
4. Alle prosjekt skal levere sluttrapport og prosjektrekneskap.
5. I tillegg skal revisorstadfestande rekneskap leverast av:
 - a) Private tilskottsmottakarar som tek imot meir enn 100 000 kroner, jf. RS 800 Revisors uttale ved revisjonsoppdrag med spesielle føremål.
 - b) Offentlege tilskottsmottakarar som tek imot meir enn 400 000 kroner, jf. RS 800 Revisor sine uttaler ved revisjonsoppdrag med spesielle føremål.
6. Prosjektet må vere avslutta slik at siste utbetaling frå departementet kan gjerast seinast 1. desember 2014.
7. Prosjekteigar har ansvar på vegne av prosjektdeltakarane. Dette gjeld også det finansielle ansvaret.


Ved kontakt med departementet om utbetaling må tilsegningsnummeret som står øvst i dette brevet nyttast. Ved utbetaling av midlar er dette nummeret gitt på utbetalingsblanketten.


Kommunal- og regionaldepartementet ber om at følgjande opplysningar blir sende til postmottak@krd.dep.no:

- Stadfesting på at prosjektet vert gjennomført og på at medfinansiering er på plass
- Behov for eventuell førehandsutbetaling
- Kontonummer og oppmodingar om utbetalingar (sjå under "Utbetaling").
- Ved store endringar i prosjektet: Ny framdriftsplan
- Årleg rapport (innan 24. april kvart år)
- Ved prosjektslutt: Sluttrapport og rekneskap i tråd med retningslinene over.

Kommunal- og regionaldepartementet ønskjer dykk lykke til med prosjektet.

Med helsing


Gerd Slinning (e.f.)
avdelingsdirektør


Knut Ove Nordås
seniorrådgiver

Vedlegg – Rettleiar i lokal samfunnsutvikling
Rapporteringsskjema bolyst

Kopi til:

Distriktssenteret - Kompetansesenter for distriktsutvikling
Plan- og administrasjonsavdelingen
Riksrevisjonen
Rogaland fylkeskommune